

无上祕要卷之三十七三十八

授道德五千文儀品

子三

受五千文法信

人須齋白綾五十尺 金龍一枚

若有功行貧窮不堪獨辦者宜隨分量之不

可依經為準

右出隱注經

初入道場密祝法

四明功曹通真使者傳言功曹侍靖王女為

我通達適室正神上元生杰入我身中

右出金錄經

次唱靜念如法

次思三師法

先思經師所在之方心拜三過願師得仙道

我身升度

次思籍師所在之方心拜三過願師得飛仙

為我開度七祖父母早昇天堂我得真道并

入无形

次思度師所在之方心拜三過願師得升度

上登高仙為我開度五道八難名入仙錄永

為真人

右出玉錄經

次發爐法

无上三天玄元始三炁太上老君召出某等

身中三五功曹左右官使者左右捧香驛龍

騎吏侍香金童傳言散華玉女玉帝直符各

三十六人出出即嚴裝關啓此間土地里域

真官正神臣今正爾燒香授度願得

太上十方正真之炁來入某等身中臣今所

啓速達運御

太上无極大道至真玉帝凡前

右出明真經

次禮三寶法

至心稽首太上无極大道

至心稽首三十六部尊經

至心稽首玄中大法師

右出金錄儀

次師徒長跪讀盟文

太歲甲乙某月甲乙朔某日甲乙某郡縣鄉

里清信弟子某甲年若干某等既耳目貪於

聲色身心染於榮寵常有欲无由自返伏

聞皇老以无極元年七月甲子日將欲西度

函關今尹喜好樂長生欲從明師受一言之

書老子曰善哉子之問也吾道甚深不可妄

傳生遁入腹神明皆存百節關孔六甲相連

徘徊身中錯綜无端胎息守中上與天連行

之立仙拜為真人傳不得法殃及其身身死

名滅下流子孫某既肉人无識竊好不已專

志顯顯實希來受令真依明真科齋信誓心

詣某郡某州某縣某鄉某里三洞法師某嶽

先生某甲求受道德五千文修行供養永為

身寶斷金為盟違科犯約幽牢長夜不敢有

言

右出傳授五千錄儀

次師執經各鳴法鼓三十六通

存思法

先思左青龍右白虎前朱雀後玄武足下八

卦神龜三十六獅子伏在前頭中七星五藏

生五炁羅文覆身上三一侍經各從千乘萬

騎衛之

右出隱注經

次作傳經誦一首

飄飄太虛嶺 流景在上玄 終始无終劫  
常保天地人 世主學教梵 道士誦得之  
賢者今奉受 依法以相傳 時无至真人  
寶秘不安宣 宗之昇太清 棄之墮九玄  
我說无為道 恬靜得自然

右出傳授五千文錄儀

次師付經弟子跪受乃還本位都訖各禮拜  
三拜

次歸依一切尊道

至心歸命北方玄上玉晨天尊  
至心歸命東方度仙上聖天尊  
至心歸命東方玉寶皇天尊  
至心歸命東南方好生度命天尊  
至心歸命南方玄真萬福天尊  
至心歸命西南方太靈虛皇天尊  
至心歸命西方太妙至極天尊  
至心歸命西北方无量太華天尊  
至心歸命上方玉虛明皇天尊

至心歸命下方真皇洞神天尊

至心歸命過去高上玉皇天尊

至心歸命見在元始天尊

至心歸命未來太極天尊

至心歸命玉京玄臺紫微上宮

至心歸命一切真仙得道聖眾

右出靈寶經

次誦三首旋行一用

大賢樂經戒 受之為身寶 就學恒苦晚  
治身恨不早 皆當披幽曠 倏忽年已老  
執卷吸爾極 將更死痛惱 吾故及弱齡  
棄世以學道

學仙行為急 奉誠制情心 虛夷正氣居

仙聖自相尋 若不信法言 胡為棲山林

右出消魔經

學仙絕華念 念念相因積 去來亂我神

神躁靡不歷 滅念停虛閑 蕭蕭入空寂

請經若飢渴 持志猶金石 保子飛玄路

五靈度符籍

右出太極隱注經

次師東面還仙官法

太上靈寶无上三洞弟子某獻先生某甲等

上啓

虛元自然元始天尊无極大道太上道君高

上玉皇已得道大聖眾至真諸君丈人三十

二天帝玉虛上帝玉帝大帝東華南極西靈

北真玄都玉京金闕七寶玄臺紫微上宮靈

寶至真明皇道君某等宿命因緣生值道化

玄真啓拔得入信根先師盟授三寶神經供

養事禮立功為先以去某月某日謹與某甲

等傳經行道建立齋直燒香懺願今傳授事

畢所請天地仙飛仙真人神人聖人監齊

直事侍香金童散花玉女玉帝直符傳言奏

事飛龍騎吏等監臨齋所管衛勳勞各隨功

受賞進品上秩復諸天位謹上啓聞

次復爐法

香官使者左右龍虎君侍香諸靈官當令靜

室之中自然生金液丹碧芝英眾真百靈交

會在此香火之前願某甲等受道已後眾神

擁衛早得仙真

皇帝萬福天下蒙恩十方玉童玉女侍衛香  
煙傳奏所言逕御  
太上无極道前

右出明真經

次作奉戒頌一首

道為无心宗 一切作福田 立功无定主  
本願各由人 虛已應衆生 注心莫不均  
大聖弘至教 亦由雨降天 高陵靡不周  
常卑故成淵 海為百川王 是能合龍麟  
萬劫保智用 豈但在厥年 奉戒不暫虧  
世世善結緣 精思念大乘 會當體道真

右出仙公請問經

次出道場密祝法

玄上太陰八窻開明向有所啓少女通靈事

畢復位萬神潛享

右出金錄經

无上秘要卷之三十七

无上秘要卷之三十八

投洞神三皇儀品

設壇法

次設壇宿露壇縱廣三丈二尺亦可二丈四  
尺高下廣狹隨人多少作之開三門天皇門  
在子地皇門在申人皇門在寅各施牌題之

欄纂燈火以意消息出入當從人皇門行也

右出靈寶齋經

三皇鎮坐法

天皇鎮坐綵皂繒一十八

地皇鎮坐綵白繒一十六

人皇鎮坐綵青繒一十六

右出靈寶齋經

三皇本命信

本命隨年數天子用疋數公侯用丈數庶人  
用尺數三坐亦爾天子用紫綾自用銷隨  
方色悉置人皇案上金龍三枚庶人用金環

右出靈寶齋經

三皇法信

信用白絹四百尺貧者四十尺其鎮坐本命

及信三種若有功行貧窮不堪辦者可隨分  
量力為之不可以此為准

右出靈寶齋經

次入壇燒香發爐法

香煙之女王白皇君小兆真人姓名甲清齋

絕塵期靈五通上願成真滅禍生福上昇三

天

右出靈寶齋經

次北向再拜天皇真君

次向西南再拜地皇真君

次向東北再拜人皇真君

次以所受經首二尺舒之於案上俱再拜第

子在西面東伏師西面長跪稱位號

三洞弟子小兆真人姓名甲上啓

太上元君仙都大神三皇真君今欲授某郡

縣鄉里某甲等三皇寶文未知可否伏地須

告命便伏一時頃无風便起再拜弟子又伏

地師長跪讀盟文

太歲某乙某月某朔某日某乙某郡縣鄉里

清信弟子某甲年若干歲今詣師某嶽先生